

ՓԱՅԼԱԿ

Քաղաքական, հասարակական ու գրական լրագիր

ԼՈՅՍ Է ՏԵՄԵՆՈՒՄ ԿԻՐԸԿԻ ԵՒ ՀԻՆԳՇԱԲԹԻ ՕՐԵՐԸ

Տարեկան գինը — 3 ռուբլի, 1/2 տարեկանը — 1 ռ. 50 կ., 1 ամս. — 35 կ.

ԱՌԱՆՁԻՆ ՀԱՄԱՐՆ ԱՄԵՆ ՏԵՂ 5 ԿՈՊ.

Յայտարարութիւնների համար վճարում են իւրաքանչիւր տողատեղին՝ առաջին երեսի վրայ—20 կոպ, վերջին ,, ,, —10 ,,

Հասցէն՝ Шума, Редакция газеты „Пайлак“, Ганджунцев, ул. домъ Костанцова. Schoucha, rédaction du journal „Phaïlak“.

ԲԱՅԻՍԾ Է ԲԱԺԱՆՈՐԴԱԳՐՈՒԹԻՒՆ

ՓԱՅԼԱԿ

Քաղաքական, հասարակական ու գրական լրագիր լոյս է տեսնում առ այժմ՝ շաբաթական երկու անգամ

Բաժանորդագիրն է. տարեկան 3 ռ. կէս տարեկանը—1 ռ. 50 կ.

ամսական —35 կ.

ԱՌԱՆՁԻՆ ՀԱՄԱՐՆԵՐՆ ԱՄԵՆ ՏԵՂ 5 ԿՈՊ.

Մեր Հասցէն՝ Шума, редакція газети „ПАЙЛАК“,

ԱՊԱՌԻԿ ԲԱԺԱՆՈՐԴԱԳՐՈՒԹԻՒՆ ԶԷ ԸՆԴՈՒՆԻՈՒՄ

ԹՈՒԼԱՅԱՆՔ

Թուլացանք հենց այն ժամանակ, երբ մեր առջև դրած գործը պահանջում է մեզինքն աւելի մեծ եռանդ, ուժերի ամենից մեծ լարումն: Տաճկահայաստանից, Պոլսից և Կիլիկիայից եկած տեղեկութիւնները գերազանցում են միմեանց իրենց անուշիկութեամբ, սոսկալիութեամբ. երիտասարդ թիւրք ռճարագործ և կարճատես կառավարութիւնը հետամուտ է իրագործելու համիդեան արիւնագիր ծրագրները—Հայաստանը թողնել առանց հայի,—գատարկուում են հայաբնակ գաւառները, աշխատաւոր հայ ժողովրդին բռնի կերպով դուրս են վռնում իր վաթանից և բշում հեռու Միջագետքի խորքերը. կոտորում են անխնայ, այրում, աւերում, առեւտնգում: Բուպէն պահանջում է մեզինքն աւելի լարւած աշխատանք, մեծ գոհարեութիւններ:

Բայց մենք թուլացանք:

Գերմանական ժանդարմ զիւանազիտութեամբ շախաղած թիւրք կառավարութեան մոլեգին քաղաքականութիւնը դիմում է երբեմնի արաբական իշխանութիւնների ձեռք զարկած ժանգոտած գէնքին—բնաշինջ անել հայ ժողովրդի ղեկավարներին, թողնել մասսան անգլուխ, անառաջնորդ: Մոմենտը պահանջում է մեզինքն ապացուցել կատաղի թիւրք կառավարութեան, որ անհասները չեն գործ ստեղծում, այլ գործը, իրականութիւնն է ծնում գործող և գործին նւիրւած գաղափարական անհատներ:

Բայց մենք թուլացանք:

Տաճկական բռնակալութեան ճիւղաններից ազատւած տասնեակ հազարաւոր հայեր մատնւած սովի, մերկութեան և զանազան հիւանդութիւնների մեր օգնութեան

են սպասում, իսկ նրանց հարազատներն ու եղբայրակիցներն օրեր են հաշուում և ռուս քաջարի զօրքին ու հայ անվեհեր կամաւոր մարտիկներին են սպասում կոտորածի ուրաւիւնն աչքների առջև: Բուպէն մեզինքն գործ է պահանջում և ինտենսիւ աշխատանք:

Բայց մենք թուլացանք:

Այսպէս է գոնէ Շուշում և ամբողջ Ղարաբաղում:

Ղարաբաղի «Եղբայրական Օգնութիւնը» և նրա կոմիտէն երբ նոր էին գործի ձեռնարկել, եռանդ, աշխատանք չէին խնայում. շարունակ ժողովներ, որոշումներ, մի խօսքով կենդանի գործ: Կոմիտէն պարբերաբար ժողովի էր հրաւիրում հասարակութեան տարրեր խաւերին, ամսավճարներ նշանակում, ժողովարարութիւններ կազմակերպում, գիւղերը մարդիկ ուղարկում կազմակերպելու և հանգանակութիւն կատարելու: Գործը տարւում էր կանոնաւոր, տւած արդիւնք՝ բաւարար: Անցաւ մի քանի ամիս, կարիքը զարձեւալ մնաց, էլ աւելի մեծ չափեր ընդունեց:

Բայց մենք թուլացանք:

Սակայն թուլանալ այնպիսի մի ժամանակ, երբ գործի յաջող սկիզբը վաղուց դրւած է և մի մասը կատարւած, երբ ակնկառոյց սպասում ենք գործի վախճանին, մեր տարիներով տննչած ու փափազած իղձերի իրականանալուն, եթէ ոչ յանցանք, գոնէ դատաւարտելի անտարբերութիւն է: Թուլանալ այնպիսի մի ժամանակ, երբ դաշնակից պետութիւնները, ժողովուրդները լարել են իրենց ամենավերջին ուժերը, հերոսական ճիգ ու ջանք են թափում զորեւ թշնամուն, յանուն ամենագեղեցիկ սկզբունքների ու ազատ կեանքի, երբ միահամուռ գործու-

նէութիւնը բոլոր խաւերի ու հոսանքների, համարում է անհրաժեշտ այլմանը՝ յաղթութեան, միանգամայն պախարակելի է:

Թուլանալը փոքրոգիւնների և վատերի բաժինն է, թող հրաժարւի «Եղբայրական Օգնութեան» կոմիտէն՝ այդ ոչ ցանկալի բաժնից և շարունակի իր նախկին գործունէութիւնը նոյն եռանդով և նոյն թափով:

ԳԱՒԱՌԱԿԱՆ ՀԱՅ ՈՒՍՈՒՑՁԻ ՀԱՍԱՐԿԱԿԱՆ ԳՈՐԾՈՒՆԵՌՈՒԹԵԱՆ ՀԱՐՑԻ ՇՈՒՐՁԸ

«Վերջին տարիներս մամուլը յաճախ է գրում կոօպերատիւ ընկերութիւնների մասին և դրանց իրականացման պարտականութիւնը դնում է զիւլական ուսուցչի վրայ, խոստանալով «անվախ և անդաւաճան» գործչի հոշակ պարզել աշխատանքի ուղղութիւնը, որոնք ժամանակի, տարածութեան և միջավայրի հետ կապւած առանձնաշատկութիւններն ու խոչնդոտները մի կողմ թողած, ամեն ինչ թափել և բարի կամեցողութեան խնդիր շինած՝ կոօպերատիւներ կը ստեղծեն թէկուզ հենց մի արջի անկիւնում, ի վառս նորելուկ «անտեսագէտների»:

Ս. Բողգանիշ. «Մշակ» № 139.

Որ հայ ուսուցչութիւնից, մասնաւորապէս գիւղական ուսուցչութիւնից, մեծամեծ պահանջներ են անում և յաճախ շատ անտեղի, գա նորոթիւն չէ ոչ որի համար: Մեծ մասամբ շատ անփորձ, աշակերտական նստարանը զեռ նոր թողած պատանին, որ ուսուցչութեան ցուպը ձեռքն առած մտնում է գիւղը, իր գործունէութեան հենց առաջին օրանից, լսում է այդ հրամայական պահանջները:

Գիւղական հասարակութիւնը, առաւել եւս աշակերտների ծնողները, պահանջում են, որ ուսուցիչը երեխաների հետ պարագլու չափ, իրենց համար խնդիրքներ յօրինէ, զինուորացուներին՝ զինուորութիւնից ազատելու խորհուրդներ տալ, անցագրային վկայականներ կազմէ և այլն:

Երեքփոխն ու քահանայն պահանջում են, որ ուսուցիչը աշակերտներին «ժամասկիլը» սովորեցնի, ննջիւղներ թաղմանը կիցեցում օգնելու համար: Հոգաբարձութիւնը պահանջում է, որ ուսուցիչը ամեն ինչ մի կողմ թողնի և հենց իր, ուսուցչի օգտի համար էլ է, ներկայացումներ կազմակերպի, «աւետիս» ման գայ, բիւլէի բացը ծածկելու համար:

Հայ գիւղատնտեսն ու բժիշկը պահանջում են, որ գիւղական հասարակութեան մէջ ուսուցիչը տարածէ իրենց բրօշուրները, դասախօսութիւններ կազմակերպէ, սերմեր տարածէ հիւանդ ծառերը բժշկէ և այլն:

Հայ տնտեսագէտը իր հարցապուցակներն է ուղարկում՝ տնտեսագիտական ուսումնասիրութիւնների համար նիւթ ժողովելու:

Հայ ազգազբաղէտը թերթերում յայտարարութիւններ է տպում և թախանձում է հայ գիւղական ուսուցչներին, որ վերջիններս իրենց աշակերտների հետ միասին, տնտեսի հաւաքներ՝ առական, առածներ, ասացածներ և շուտասելուկներ, խոստանալով սպազրել հաւաքողների անունները:

Թեմական տեսուչը պահանջ է դնում

որ ուսումն. տարւայ ընթացքում պարբերաբար կազմակերպեն դպրոցական հանդէսներ, ծխական ժողովներ, խմբական զբօսանքներ և էքսկուրսիաներ:

Հայ լրագրողը դատաւիտում է դաւառական ուսուցչի ինքնուրոյնութիւնը, անտարբեր վերաբերմունքը «հասարակական ցուպերի» հանդէպ, պահանջում է, որ ուսուցիչը լինի զգայուն, թրջութեամբ թիւններ գրէ, կոխ յայտարարէ ամբողջ աշխարհին և վերջապէս թերթը տարածէ...

Շշմած է հայ ուսուցիչը, չգիտէ, որը անէ և որը թողնէ. պահ մի նա նոյնիսկ մոռանում է, որ ունի սրոշ պարտականութիւն և ենթակայ է պատասխանատուութեան:

Հիմի էլ պ. Բողգանիշն է հրապարակ կելել և կօօպերատիւ ընկերութիւնների իրականացման պարտականութիւնները դնում է զիւլական ուսուցչի վրայ, խոստանալով «անվախ և անդաւաճան» գործչի հոշակ պարզել աշխատանքի ուղղութիւնը, որոնք ժամանակի, տարածութեան և միջավայրի հետ կապւած առանձնաշատկութիւններն ու խոչնդոտները մի կողմ թողած, ամեն ինչ թափել և բարի կամեցողութեան խնդիր շինած՝ կոօպերատիւներ կը ստեղծեն թէկուզ հենց մի արջի անկիւնում, ի վառս նորելուկ «անտեսագէտների»:

Պակաս պահանջկոտ չէ նաև գիւղից դուրս ապրող «գիւղական երիտասարդութիւնը», որ երբեմն մի քանի գրօշ նւիրելով դպրոցին, պահանջում է ուսուցչից՝ իրականացնել այն ամենը, ինչ տեսնում է այդպիսի «երիտասարդի» աչքը քաղաքներում:

Շնորհիւ հայ կեանքի զարգացման իւրայատուկ պայմանների, վերջին 40 տարւայ ընթացքում չէ եղել մի խնդիր մեր կեանքում, որ չկապէի այսպէս կամ այնպէս հայ ուսուցչութեան հետ. և իդուր չէ ասել հայ ազատագրութեան ուսման իրականութիւնը մէկը, թէ հայ ուսուցչութիւնն ու հայ վերածնութիւնը կապւած են իրար հետ և անբաժանելի են:

Եթէ նոյնիսկ հարեանցօրէն համեմատելու լինինք այն պահանջները, որ հայ հասարակութիւնն ու մամուլը առաջադրել են հայ ուսուցչութեան՝ տասնեակ տարիներ առաջ և այժմ,—մեծ տարբերութիւն կը նկատենք:

Առաջ հայ ուսուցչից պահանջւում էր՝ գիւղատնտեսական աշխարհիկ ուսման գաղափարը ժողովրդականացնել, երեքփոխների հաշիւները քննել, գիրք ու լրագիր տարածել և այլ անմեղ բաներ, այժմ այս ամենի հետ՝ կարդալ դասախօսութիւններ, կատարել ուսումնասիրութիւններ, ստեղծել վարկային ու սպառողական հիմնարկութիւններ և այլն և այլն, գործեր, որոնք բոլորն էլ պահանջում են լուրջ պատրաստութիւն: Թէ որպիսի չարիք են բերել շատ ազնիւ և պարտաճանաչ հայ երիտասարդ ուսուցչներ իրենց ղեկավարութեանը յանձնւած դպրոցների գլխին հենց միմիայն այն պատճառով, որ ցանկացել են իրենց կարգացած քաղաքներ իրա-

կանացիներ, կը բերենք շատերից մի օրինակ, իմ հարեան գիւղի ուսուցիչը, որ մի եռանդուն պատանի էր, ցանկանում է իր գիւղում սպառողական խանութ հիմնել: Բարեբախտաբար գիւղը չէ ունենում խանութպաններ: Բայց երբ ուսուցիչը, ոգևորւած քարոզում է, թէ սպառողական կօօպերացիան սպառողներին կարող է անել չքաւոր դասի համար, այդպէս արդէն «մեծամեծները» իրար են անցնում, զարցը գրկում են ծխական տուրքից, որպէս զի զարցի փակումով իրենց տիրապետութեան հիմքերը ամրանան: Հազիւ հազ յաջողում է, մի քանի աղջկանի մարդկանց մէջ ձգելով, հարցը «անուշութեամբ փակել»: Մի այլ բարեխիտ ուսուցիչ անագին աղմուկի պատճառ էր դարձել նրանով, որ ջրաղացից եկող գիւղացուն յանդիմանել էր և սպառնացել օրէնքով, թէ ինչո՞ւ նա իր ձիուն ծանր բեռն էր բարձել, չարչարել խեղճ կենդանուն, որ թոյլատրելի չէ կենդանիներին հովանաւորող ընկերութեան կանոնադրութեամբ:

Ահա թէ ինչու Բայց ինչով են մեղաւոր այդ ուսուցիչները: Նրանք ցանկացել են միայն իրականացնել այն, ինչ ամեն օր նրանց ականջին փչել է քաղքենի մամուլը, որի համար գոյութիւն չունին որեւէ միջավայրի առանձնայատկութիւնները ու նախապայմանի հարցերը: Ամեն ինչ կարելի է իրականացնել՝ ամենուրեք: արեք ուրեմն այս ինչն ու այն ինչը և մենք ձեզ կանաւենք «անվտանգ և անդաւաճան գործիչներ»: Եւ մարդիկ աշխատում են այդ ուղղութեամբ, բան ու գործ թողած, այնինչ, այժմեան ուսուցիչ, անցեալի հետ համեմատած, անպիտան բան է պահանջում:

Եթէ այսօր, որեւէ արջի անկիւնում մուրացկանական վարձատրութեամբ և ծանր աշխատանքի տակ նահատակող հայ ուսուցիչ գործն ու տւած արդիւնքը գնահատելիս գիտնում են Հերբարտ Յիլիերով, Լայով ու Մէյմանով, Մէյմանով ու Ֆոն-Չալվիլիերով, իրաւունք չունինք արդեօք պնդելու, որ այդ նոյն ուսուցիչը շատ և շատ մեծ բան ունի անելու հէնց իր մասնագիտութեանը համատեղում համար, այդ չէ՞ պահանջում արդեօք նրա պատիւը և այն գործը, որին ծառայելու կոչւած է՞

Այլ են ժամանակները և պայմանները: Դիվիտանները այսուհետ տեղ ունենալ չեն կարող, ինչ ասպարիզում էլ երևան գալու լինին: Այսուհետ գաւառական ուսուցիչը մենակ չպիտի գործի և չէ էլ կարող: այդ վեր է նրա ուժերից:

Բոլոր ճշմարիտ ժողովրդասէրները և ժողովրդի անունով ճշգրտ աղբ բոլոր բժիշկները, գիւղատնտեսները, կօօպերատորները, եթէ կամենում են և եթէ կարող են, թող իրականացնեն իրենց զարգացմանը իջնելով ժողովրդի մօտ: ուսուցիչներին նրանց կօգնեն նրանք, որոնք պատրաստւած են այդպիսի աշխատանքի համար: իսկ այդպիսիները Բողոքականների քարոզներին և ատոմստացիային չեն սպասում:

Ուսուցիչները ամենից առաջ պիտի գիտեն զո՞նք են ինչից կոպ, վիշնակիով և Աղօլֆ Ռուդէով: Ահա ինչ կը ցանկանանք ուսուցիչներին:

Մեք. Նսայեան

ԱՐԶԱՅԱՆՔՆԵՐ

ՀԱՅԱՍՏԱՆԸ ԱՌԱՆՑ ՀԱՅԻ

Անցեալները հայ թերթերից մէկում կարդացի, թէ ինչպէս մի գիւղում ժողովարարութիւն անելիս են եղել: փողոցում մի կին ձայնը դողալով հար-

ցնում է՝ «Էդ ինչի համար էք հաւաքում»:—«Կամաւորներին» լսում է հաւաքող խմբի միջից: «Սպասէք», կանչում է կինը, նստում ձիւնի վրայ, հանում ոտքից գուլպաները, հագնում մաշկած չուսերն և տալիս է ասելով: «Էլ ոչինչ չունեմ տալու, էս մի ջուխտ գուլպաներն են, ուղարկէք, թող հագնի իմ ախպէրներից մէկը»...

Նման պատկերներ ու փաստեր շատ ենք գտնում հայ գիւղական իրականութեան մէջ, նոյն խիստ քաղաքների չքաւոր դասակարգի կեանքում:

Բայց և կայ մի այլ իրականութիւն, աւելի բնորոշ, աւելի խրատական:

Մոսկովայի հայ գաղութը հաշուում է իր մէջ տասնեակ միլիոնատէրեր, այդ գաղութի վրայ պարտաւորութիւն է դրւած, ի հարկէ բարոյական պարտաւորութիւն:

Հայ գաղթականներ, Տաճկահայաստանի լքւած ու տառապող ժողովրդի համար հասցնել թիֆլիսի հայ կենտրոնական կոմիտէին մի տարւայ ընթացքում 800 հազար ռուբլի:

Իսկ այդ գաղութը տեւել է մի տարւայ ընթացքում, որ շուտով լրանում է, մինչև այժմ մօտ 300 հազար ռուբլի:

Մի գաղութ, որի միլիոնատէր անդամները համար դա մի գիշերայ թղթախաղի տանուլ տւած փող է, մի օր բոլորսայում կորցրած գումար:

Բայց Մոսկովայի միայնակ չէ: Նրանից յետ չեն մնում Նոր-Նախիջևանը, Արմաւիրը, Թիֆլիսը, Բաղուս և այլն և այլն:

Ամենուրեք մեր հարուստ «ազգայիններ» այնքան պարտաճանաչ են, այնպէս են կատարում իրենց խոստումները:

Որ այսօր հայ թերթերի էջերում Հ. Կենտրոնական կոմիտէն իր աղերսական կոչերով դիմում է ընդհանուր հայութեան:

«Պէտք է օգնել, պէտք է փրկել հայ ժողովրդին, ով ինչով կարող է»:

Բոլոր տեղական գործիչներին, նրա պատմամտոյց բոլոր հասարակական մարմիններին այսօր միայն մի ձայն ենք լսում: Ժողովրդը ձեռքից գնում է, շտապեցէք օգնութեան հասնել, ապա թէ ոչ ուշ կը լինի և կորուստն անդառնալի:

Սա մի օրհասական մօմենտ է, երբ հայ ժողովրդի ոչնչացման գործն են կատարում մեր թշնամիները:

«Հայաստանն առանց հայի»:

Ահա այն նշանաբանը, որ դարերով շարունակ դիւական ոգևորութեամբ կատարել են թիւրքիայի իշխողները: և այսօր իրականացած է իրենց փայփայած նպատակը:

Երբ մի կողմից՝ հուր և սուրն է գործում, իսկ միւս կողմից՝ սոփի ու ճարակող մահացու հիւանդութիւններն են առատ հունձ տեսնում:

Սակայն չկարծէք, որ դա միայն Սուլթան Համիդի արժանի ժառանգներն են անում: չխաբէք, որ դա միայն թիւրք քաղաքականութեան պըտուղներն են:

«Հայաստանն առանց հայի»:

Դա հենց իրենք հայերն են նպատաւում իրագործելու:

Ոչ այն հայերը, ոչ այն գեղջկուհին, որ հանում է իւր ոտից վերջին գուլպաներն ու հագնում մաշկած չուսերը: Ոչ:

Այլ հայ բուրժուան, հարուստ մեծատունը, որ փայլում է իր լայկած կօշիկներով, գունաւոր մետաքսէ գուլպաներով:

Գեղջկուհին, ասում է. «Թող հագնի իմ եղբայրներից մէկը» և փրկում է մի հայի կեանք: Նա չի դաւանել ազգային իդէալներ, նա բնաւ—երբէք չի

խօսել, չի ձառել ազգասիրութիւնից: Իսկ հայ բուրժուան: Նա գիտէ ամենուրեք իր ազգայնական զգացմունքներն ի ցոյց հանել, ազգային իդէալներ յորջորջել, ազգասիրական քարոզներ կարողալ ու լսել: «հայ ազգ, հայութիւն, հայ եկեղեցի»—ահա նրա սերտած բառերը:

Ապա համարձակ իր նրան ասել. դու և այլ նրա ազգային պատիւը վիրաւորող որեւէ ամական:

Նա անշուշտ կապտակի այդ յանգուզին, սկանալ կը բարձրացնի:

Բայց և այնպէս նա չի հանի իւր նուրբ գուլպաները, չի հանի իւր փայլուն կօշիկը:

Երբ «Հայաստանն առանց հայի» ծրագիրը՝ նրա անուշահոտ օծանելիքին սովոր քթի տակ, նրա կուրացած աչքերի առաջ այսօր սպառնում է իրականութիւն դառնալ...

Երևակայեցէք, հայ բուրժուան, հայ հարուստ մեծատունը չգիտէ, որ ներկայումս ժողովրդական աւելի մեծ կարիքների առաջ ենք կանգնած, որ հղած չնչին գումարները բաւարար չեն. որ հասարակական հիմնարկութիւններին խոստացւած նիւթական օժանդակութիւնները վերջերս գնալով նւազել են:

Նա այդ չգիտէ...

Նրան յիշեցնում են այդ ամեն անգամ զանազան կոչերը, աղերսալիւր դիմումները...

Սակայն լսող կայ արդեօք:

Այո, կայ: Լսում է նա, ով ինքն է զգացել, քաշել, թէ ինչ է տառապանքը, գուլումը: ով թշուառութեան, բաղդի հալածանքների, ճակատագրի անողորմ հարւածների ներքոյ է գալարել, արիւն թքել, այօրւայ իր կեանքն անիծել...

Այդ լսում է նա, ով իր վերջին գուլպաներն է հանում...

Իսկ այնտեղ, ուր կեանքի խրախճանքն է տիրում, ուր ձիարշաւների ու սոփիստ կօկոսների կուլտն է պաշտւում, ուր լուկուլեան քէֆերի ու բօրսային խաղերի մէջ են մարդիկ իրենց երջանկութիւնը որոնում:

Այնտեղ հայ հարուստը իր ականջները բաւբակ է խթում: ոչինչ չէ լրսում:

Եւ կը հագնի նա իւր փայլուն կոշիկները, մետաքսէ նուրբ գուլպաները, կերթայ զբօսնելու, ուրախ—զաւթ մրմնջալով՝

Տրա-լա-լա, տրու-լա-լա:

Իսկ բարձրաձայն երգելով—«Մեր Հայրենիք, թշուառ անտէր», նա կերթայ զբօսնելու այնտեղ, ուր կը լինի «Հայաստանը առանց հայի»:

Նիմանդ

ԿՈՎԿԱՍԻ ՔԱՂԱՔՆԵՐԻ ՄԻՈՒԹԵԱՆ IV ՀԱՄԱԳՈՒՄԱՐԻ ՈՐՈՇՈՒՄՆԵՐԻՑ

«Փայլակի» համարներում խօսել ենք արդէն Կովկասի քաղաքների միութեան IV համագումարի մասին, թեւէ ենք այն հարցերը, որոնցով զբաղւել է համագումարն իր նստաշրջանում: Այժմ համագումարի մի շարք որոշումների մասին դիմւած է ուր հարկն է, և թիֆլիզի քաղաքագլուխը դիմել է նահանգապետին՝ խնդրելով նրա աջակցութիւնը համագումարի որոշումների բարեյախող լուծման համար: Այդ որոշումները մեծ նշանակութիւն ունեն կովկասի ազգաբնակչութեան համար, ուստի կարեւոր ենք համարում ծանօթացնել նրանց հետ մեր ընթերցողներին, քաղելով «Кавк. Сл.» թերթից:

1) Կազմակերպել Թիֆլիզում Կովկասեան կենտրոնական, իսկ նահանգական, շրջանային և գաւառական քա-

ղաքներում տեղական պարենաւորման (продовольственный) յանձնախմբեր, որոնք պէտք է մշակեն ազգաբնակչութեանը կենսական անհրաժեշտ մթերքներ մատակարարելու միջոցները և որոշեն իւրաքանչիւր շրջանի կարիքների համապատասխան ապրանքատար վաղօճներ քայ թողնելու խնդիրը: 2) Կանոնաւորել Սև-ժովհան ապրանքատար շոգենաւերի պարբերաբար հաղորդակցութիւնը մինչև Բաթում, այնպէս որ այդ շոգենաւերը կանգ առնեն զըլխաւոր նաւահանգստներում և նրանցից մի քանիսը ծառայեն յատկապէս յանձնախմբի որոշած նպատակին: Այլ և թոյլ արւել ծովափնեայ քաղաքներից Կովկաս ներմուծելու ապրանքներ այն քանակութեամբ, որ աւելի քան բաւարարէ տեղական պահանջները, որի չափը քաղաքական ազգաբնակչութեան համար որոշում է քաղաքային ինքնավարութիւններին կից կազմակերպւած պարենաւորման յանձնախմբերի միջոցով: 3) Ուշադրութիւն հրաւիրել խճուղներին, մասնաւորապէս, Եւլախ-Շուշի և Սուխում - Նովորոսիյսկ խճուղներին անբաւարար դրութեան վրայ: ջրային հաղորդակցութեան մարդատար և ապրանքատար տարիքների ցածացնելու վրայ: 4) Պետական միջոցներից օգտւելով մշակել և բարելաւել Կովկասեան հանքային ջրերի աղբււրները, որոնք ոչ միայն տեղական, այլ և համապետական նշանակութիւն ունեն և մինչև այժմ գուրկ են եղել օգտագործելու ամենատարրական պայմաններին: մտցնել Աբասթումանը հախաղճւած երկաթուղագծի մէջ: օչտագործել Թիֆլիզի, Ճխալտուրի, Մայկոպի, Լենքորանի և այլ հանքային ջրերը վիրաւոր և հիւանդ զինւորներին բժշկելու նպատակով: 5) Պետութեան օժանդակութիւնը կուրորտներին: 6) Կովկասում զենամուլոյական հիմնարկութիւններ հաստատել շուտափոյթ կերպով: 7) Քաղաքների իրաւունքների և պարտաւորութիւնների ճշտել որոշումն, համահաւասար Ռուսաստանի ներքին նահանգների քաղաքների՝ զօրքի բնակարանային ծախքը թողնելու պետական գանձարանի վրայ: 8) Իրականացնել Կովկասի Փոխարքայի խորհրդի նիւթագրութիւնը՝ տարածել Կովկասի վրայ համապետական օրէնսդրական նորմաները զօրքի բնակարանային խնդրի նկատմամբ, որով մի կողմից կը թեթեանայ կովկասեան քաղաքների ֆինանսական դրութիւնը և միւս կողմից օրինաչափութիւն կը հաստատուի քաղաքների և զինւորական մասերի փոխ-յարաբերութիւններում: 9) Յետստանալ պետական գանձարանից այն գումարները, որոնք ծախսւած են քաղաքների կողմից զօրահաւաքի առթիւ զօրքին տեղաւորելու համար բնակարաններ վարձելու: 10) Իրաւունք տալ քաղաքներին պարտք վերցնել պետական բանկից, ի հաշիւ նոյն տարւայ նախահաշիւ, այն պայմաններով, որ գոյութիւն ունեն զենամուլոյների նկատմամբ 1915 թ. յունւար 22-ի կանոններով: 11) Ստանալ գանձարանից քաղաքների համարող գումարները: 12) Քաղաքների գանձարանին ունեցած պարտքերի հատուցման համար երկար ժամանակամիջոց տալ: 13) Քաղաքներին կարճ ժամանակով վերցրած պարտքերի հատուցման համար թոյլ տալ պարտք վերցնել փոխատու հիմնարկութիւններից: 14) Չիլի քաղաքներին բնակարանային և անշարժ ստացւածքների պետական տուրքերի մի մասը: 15) Ազատել քաղաքները 1915 թ.ի քաղաքային ոստիկանութեան և զօրքին բնակարաններ տալու ծախքերից: 16) Պետական գանձարանից անվերադարձ միջոցներ տալ քաղաքներին բժշկա-սանիտարական գործի և փոխա-

բխարար թանգութեան դէմ կուենա-
համար, այն պայմանով, որ քաղաքնե-
րը պարտաւոր են փոխարինարար վեր-
ցրած դրամը յետ տալ այն ժամանակ,
երբ կենսական անհրաժեշտ մթերքների
գները կոտորած կը լինեն:

Թէ որ չափով կը յարգուի քաղաքնե-
րի միութեան IV համագումարի դի-
մումը կառավարութեան կողմից և որ
կէտերը կը բաւարարեն, այդ մասին
կը հաղորդենք մեր ընթերցողներին,
երբ հարցը կը պարզուի:

ԱՊՍԵԱՍ ԹԵՄԷ

Печальная истина лнчше радостной лжи.
Байрон.

III

«Ինչպէս յայտնեց հ. Զաւէնը» — գը-
րում է պ. Ասլանեանը — «Թեմիս դըպ-
րոցները կառավարելու համար յատուկ
ուսումն. յանձնաժողով պէտք է ընտր-
ուի»...

Եւ նկարագրելով թէ ինչպէս այդ
յանձնաժողովը պէտք է դպրոցական
ծրագիր կազմէ, երեք շրջանային տե-
սուէ հրաւիրէ (1200 ր. ամեն մէկին ու-
ճիկ), և ունենայ խորհրդակցութիւններ
գիւղերից հրաւիրած բանիմաց ներ-
կայացուցիչների մասնակցութեամբ,
դպրոցները ապահովելու հարցի և ու-
սումը պարտադիր (ընդգծումը մերն
է. Սեդոյ). դարձնելու խնդիրն նկատ-
մամբ և այլն, գալիս է հետեւեալ եզ-
րակացութեան. «Ընդհանրապէս հ. Զա-
ւէնը մեզ այն յոյսը ներշնչեց, որ ա-
ռաջիկայ ուսումն. տարւանից թեմի
դպրոցները ազատւած են լինելու ներ-
կայ քառային և խայտառակ վիճակից
և դուրսէն են խելացի և հաստատուն
հիմքերի վրայ»:

Զմտնելով մանրամասնութիւնների
մէջ և մի կողմ թողնելով այն, որ ծը-
րագիր կազմելը էջմիածնի գործն է,
որ 1200 րուրով պատրաստած, հմուտ
մանկավարժ տեսուչներ չեն գտնուի, և
որ պարտադիր ուսում մտցնելը հո-
գեւոր առաջնորդի ոյժերից վեր է, ու-
րովհետեւ այդ հարցը համապետական
խոշորագոյն հարցերից մէկն է, որը
իւր լուծումը կատանայ միայն օրէն-
սդրական պալատներում, շեշտենք այն,
որ պ. Ասլանեանը խոստովանում է
դպրոցների «քառային և խայտառակ»
դրութիւնը, որից եթէ գործը «խելացի»
և հաստատուն հիմքերի վրայ դնենք,
կազատենք:

Եթէ «խելացի և հաստատուն» հիմ-
քերի բացակայութիւնն է պատճառ
«քառային» դրութեան, ինչով են ե-
րաշխաւորում, որ այժմ «խելացի» կը
լինին հիմքերը. ինչ նոր բան է ար-
ւում: Զէ որ այդ յանձնաժողովն ու
շրջանային թեմ. տեսուչները առաջ էլ
կային. որտեղ է նրանց տւած օգուտը:

Ինչպէս ընթերցողը տեսաւ, որ երկու
տարի առաջ մի յանձնաժողով ստեղծ-
ւեց և սպանեց. ուրիշ խօսքով նա
դուրեց այնպիսի պայմաններ մէջ, որ
բնականօրէն մահանայ: Այժմ երբնո-
րից են յուզում յանձնաժողովի հարցը,
ինչով ենք ապահով, թէ նրան նոյն
վախճանը չի սպասում, ինչ որ առաջ-
նին: Եթէ իրօք յանձնաժողովը մի
շանթաւով չէ, (ինչպէս յաջող արտա-
յայտել է պ. Մեղք. Նսայեանը «Փայ-
լակի» № 32-ում) և նրան պիտի թոյ-
լատուի գործելու ըստ իւր հայեցողու-
թեան, ապա ինչու է նա «աննկատելի»
կերպով շրջանակի մէջ գրում և ցու-
ցումներով բարձրից կաշկանդում, նրա
ապագայ գործելակերպը մատնանշելով
թէ յանձնաժողովը պէտք է ծրագիր
կազմէ, երեք տեսուչ ունենայ և այլն
և այլն... Գուցէ յանձնաժողովը երեք
չէ, երկու կամ չորս տեսուչներ է յար-
մար գտնում ունենալու. ինչ կարիք

կայ նրան պարտաւորացնելու որ ան-
պայման երեքն ունենայ:

Ամեն ինչ մեզ համար պարզ է. Մենք
երբեք դէմ լինել չենք կարող յանձնա-
ժողովի իդէային, եթէ նա ազատ լինի
իւր գործունէութեան մէջ. Սակայն
մենք ոչ մի լաւ բան չենք սպասում,
քանի դպրոցական գործի բարձր վա-
րիչները կը մնան նոյն անձինք: Հա-
ւատ ներշնչել կարող են նրանք, որոնք
մի մարմին կը ստեղծեն և կը պահ-
պանեն նրան և ոչ թէ նրանք, որոնք
ստեղծելու և սպանելու են ընդունակ...

Դպրոցները բարելաւելու համար, ան-
հրաժեշտ է դպրոցական խնդիրներով
սոցորւած լինել, սիրել նրան. մի բան,
որ չենք նկատում վերջին տարիներու
Եւ քանի մեր դպրոցական գործերի
արդի սիւտացիան շատերի համար
պարզ չլինի. ինչ և որ հիւանդութեանը
ուղիղ դիօգնօզ չտրուի, լիակատար բու-
ժումն անհնարին է:

Եւ երբ ակներև է, որ վաւառի դըպ-
րոցները վիվիսկեցիայի ենթարկելուց
յետոյ «ապառնում են» նոյն էքսպերի-
մենտները կրկնելու և նոյն խաղերը
խաղալու թեմի գլխին, կարծում ենք,
որ ընթերցողը կը համաձայնի մեզ
հետ, որ յիշաւ մեր թեմը ապարաւստ
է...

Վերջացնելով մեր ասելիքը, պ. Աս-
լանեանին հետեւալ խորհուրդ կը տա-
յինք. բնաւ պէտք չէ Զաւէն վարդա-
պետի գովքը երգել. անհրաժեշտ է
վերլուծական ընդունակութիւն, բաց և
զգաստ աչքերով նայելու մեր իրակա-
նութեանը, որովհետեւ՝ печальная исти-
на лучше радостной лжи...

Սեդոյ

ՂԱՓԱՆԻ ՀԱՅ ԳԻՒՂԱՑԻՈՒԹԻՒՆԸ ԵՒ
ՊՂՆԱՅԱՆՔՆԵՐԸ

II

Աչքի առաջ ունենալով վերոյիշեալ
թւերը, մարդ միանգամից կաշկանդ-
ւում է և ակամայից հարց տալիս —
հապա ինչպէս են նրանք իրենց գո-
յութիւնը պահպանում տարիների ըն-
թացքում և ինչ միջոցներով, երբ
գուրկ են արտադրութեան այլ միջոց-
ներից, ինչպէս օր. այգիգործութիւնից,
գինեգործութիւնից և այլն և այլն:

Այստեղ արդէն օգնութեան են հաս-
նում բնութեան հարստութիւն համար-
ւող՝ Ղաթարի պղնձահանքերը, որոնց
շահագործութեան համար պահանջոււմ
են բազմաթիւ բանւորական ձեռքեր:
Եթէ այս միջոցը, աշխատանքի այս
շուկան չլինէր, վաղուց արդէն Ղաթա-
րի գիւղերը դատարկւած և գաղթած
կը լինէին դէպի բանւորական աշ-
խատանք:

Տեսնական որոշ, անբարեյայող
պատճառների շնորհիւ, նրանք վաղուց
արդէն զրկւած և կենտրոնացրած կը
լինէին իրենց չնչին հողերը զանազան
աւելի զգեթի, աւելի կարող ու հարուստ
գիւղացիների ձեռքը, իսկ իրենք պրօ-
լետարիդացիայի ենթարկելով, վաղուց
արդէն բռնած կը լինէին դէպի բան-
ւորութիւնը տանող ուղին:

Զնայած նրան, որ հողատիրութիւնն
ու կարգերը նոյնն են ու չեն փոխել
և շահագործումը գուցէ աւելի ևս
կրկնապատկել է, բայց շնորհիւ հենց
Ղաթարի հանքերի, գիւղացիութեան
պրօլետարիդացիան չափազանց դան-
դաղ կերպով է առաջ ընթանում: Այս-
տեղ ի հարկէ մի առաւելութիւն կայ
նախ՝ որ հանքերը գտնոււմ և ընկած
են շրջանիս գիւղերի համարեայ թէ
կենտրոնում, երկրորդ՝ որ բանւորական
աշխարհը այն հեռավորութիւնը չունի
ինչպէս օր. Բագուն և այլ վայրերը:
Այստեղ մարդիկ իրենց տնտեսութեան
մօտալուստ վախճանը նկատելով, նեւ-
ւում են իսկոյն այդ ասպարէզը ու
ժամանակաւորապէս դադարեցնում

այնպիսին: Իսկ աշխատանքի հեռավոր
շուկան ստիպում է նրանց շատ անգամ
հրաժարել բոլորովին ունեցածքից,
լիքիդացիայի ենթարկելով այդպիսին
ու յանձնելով չարագուշակ ճակատա-
գրին:

Այս ասելով չի նշանակում թէ շրջա-
նիս բանւորութեան մէջ պրօլետարիա-
ցումն չի նկատոււմ, ոչ, նա պոյութիւն
ունի, բայց ոչ այն չափով, որ չափով
որ գուցէ գոյութիւն կունենար այլ
տնտեսական պայմաններում:

Շնորհիւ վերոյիշեալ հանգամանք-
ների, շրջանիս գիւղացիութիւնը, չնա-
յած հողատիրութեան իր վատթար կա-
ցութեանը, քիչ թէ շատ բարեկեցիկ
կեանք է վարում ու զեռ երկար ժա-
մանակ մնում նորից նոյն փոքր սեփա-
կանատէրը, ինչ որ էր սկզբում: Բնա-
կան է, որ գիւղացիութեան տնտեսա-
կան պայմանների այս տեսակ դասա-
ւորման պատճառով, բանւորութեան
թիւը ևս պէտք է ստւար լինի: Եւ
չկայ մի գիւղ, որ այդ կարիքը չզգայ
ու, երեխայից սկսած մինչև մեծերը,
բանւոր ձեռքեր չտայ գործարաններին:
Ահա յատուկ այդ աշխատանքի միջո-
ցով է, որ գիւղացիութիւնը կարողա-
նում է մինչև այսօր, իր հայրենիքում
նստած, գոյութիւնը պահպանել և հողի
պակասնորդը լրացնել դրսի աշխատան-
քով:

Ճիշտ է, նրանք պատերազմի պատ-
ճառով աշխատող ձեռքերի բացակա-
յութիւնից ներկայումս բաւականին
տուժիկ են, բայց միջին թւով իւրա-
քանչիւր գիւղ տալիս է նորից մօտա-
ւորապէս 50 բանւոր, որոնց ստացած
ոոճիկների քանակը միջին թւով օրե-
կան 70 կոպ. է հասնում: Եթէ հաշի
առնենք պղնձահանքից Ա. գիւղը
մտնող գումարների քանակը, տարեկան
այդ թիւը հասնում է մօտաւորապէս
13000 ր. կան նաև այլ եկամուտներ,
որոնք գալիս են մասամբ լրացնելու
մասնաւորապէս Ա. գիւղի և ընդհան-
րապէս շրջանիս հայ գիւղացիութեան
ծով ցաւերով լի կարիքները:

Շալ

ՀԱՅԵՐՆ ՈՒ ՊԱՏՆԵՐԱԶՄԸ

— Կ. Հ. Բ. ընկ. կից կազմւած տաճ-
կահայերի Հայրենակցական Միութիւ-
նը իր Վանեցիների Մասնաճիւղի մա-
յիս ամսին հաւաքւած ամսալճարնե-
րից և նւէրներից հազար ութիւր յանձ-
նեց Հայկական կենտրոնական կոմի-
տէին, խնդրելով այդ գումարը գործա-
դրել Վանում հայրենի քաղաքի պաշտ-
պանութեան և ազատագրութեան հա-
մար իրենց կեանքը զոհ քերած հերոս-
ների թշուառացած այրիներին և որբե-
րին օգնելու:

— Բուխարեստի տաճկական դես-
պանատունը ուսմիական մամուլի
մէջ հրատարակել է մի զեկոյց, որով
ասում է, թէ ռուսները և հայերը
բռնւած են բարբարոսութեամբ. հայ-
կական չեռաները, միացած ռուսների
հետ, մինչև վերջին շունչը կոտորում
են ազգաբնակչութիւնը, այնպէս որ
Վանի շրջագայքի 180 լազար թիւը
և քիւրդ ազգաբնակչութիւնից հազիւ
30 հազար հոգին են ազատել բարբա-
րոսների ձեռքից: Եւ այդ բոլորը թիւը
կառավարութիւնը չի հրատարակում՝
վատ հետեւողների տեղիք չտալու
համար... Անշուշտ այս զեկոյցը մի
հակափորձ է վերջերս ուսմիական և
մանաւանդ քուրդ մամուլի բարձրա-
ցրած խիզախ յարձակումների ընդդէմ
թիւրքաց հայաջինջ քաղաքականու-
թեան:

ԼՐԱՏՈՒ

ՀՈՒՅԻ

— Քաղաքային վարչութիւնը յանձ-
նարարել է քաղաքային ճարտարապե-
տին մաքրել տալ քաղաքի շրամբարնե-
րը, այլ և երեք ամսով վարձել մի մարդ
շրանցքի պահպանման համար:

— Ինչպէս լսում ենք քաղաքիս
փոստ-հեռագրատունը մտադիր է տե-
սեղափոխելու թրքաց մասում գտնու-
ւող «Սանի տունը»: Անհրաժեշտ է
քաղաքային վարչութեան լուրջ միջա-
մառութիւնը, ազգաբնակչութիւնը ա-
զատելու այն մեծ անյարմարութիւն-
ներից, որ կը ստեղծուի այդ տեղափո-
խութիւնից:

— Մեզ խնդրում են դպրոցական
վարչութիւնների ուշադրութիւնը հրա-
ւիրել այն հանգամանքի վրայ, որ Թա-
տրական ներկայացուցիչների ժամա-
նակ, որպէս կարգադրիչներ մուտքի
մօտ կանգնած են լինում աշակիրտներ,
որ առհասարակ ընդունւած չէ:

— Մեզ յայտնում են, որ քաղաքու-
մբ ստացուող «Լիսապօրակ» հանքային
ջրի մէջ երևում են միջատներ, որը
կարելի է վերագրել ջրի կապալառու-
ների շէքերը մաքրելու նկատմամբ ան-
փութութեանը:

— Ամսոյն 3-ին, «Եղբայրական Օգ-
նութեան» կից կանանց կոմիտէն, իւր
միջոցները ուժեղացնելու համար ա-
մառային ժողովարանի դահլիճում տա-
լիս է երեկոյթ-զբօսանք, թատերական
բաժնով, կը ներկայացւին է. Բրան-
դէսի «Հիւր» դրաման 2 գործողու-
թեամբ և իվանօվի «Ուրախ մայիս
ամիսը» կօմեդիան 3 գործողութեամբ:
Ներկայացումից յետոյ տեղի կունե-
նան եւթօպական և ասիական պարեր:

— Մօտ օրերս, քաղաքային վարչու-
թիւնը ամբողջ կազմով դիտեց քաղա-
քում գտնուող Գարբիէլեանի, Մադաթ-
եանի և Առատամեանի կօնդիտէրի խա-
նութիւնը և սրանց արհեստանոցները
ու գտաւ վերին աստիճանի կեղտոտ ու
հակասանիտարական վիճակի մէջ:
Կազմւած է արձանագրութիւն և առա-
ջարկւած է երեք օրւայ ընթացքում
կարգի բերել փուռերն ու արհեստա-
նոցները, այլ և նախազգուշացւած է, որ
նոյն թերութիւնները երկրորդ անգամ
նկատուելուց, կիսակեն խանութներն
ու արհեստանոցները և տէրերը օրի-
նական պատասխատուութեան կեն-
թարկեն:

— Քաղաքային վարչութիւնը հրա-
հանգել է, որպէսզի քաղաքիս կօնդի-
տէրների արհեստանոցներում աշխատ-
ողները բժշկական քննութեան են-
թարկեն:

ԿՈՎ ԿԱՍ

— Հանգուցեալ Ա. Մանթաշեանի
մեծ որդի պարիզաբնակ Յովհաննէս
Մանթաշեանը նւիրել է Հայոց Դրա-
մատիկական ընկերութեանը 10,000
ռուբ.:

— Փոխարքայի Սորոսուրդը իր վեր-
ջին հերթական նիստում որոշել է յատ-
կացնել զեմաստային միջոցներից 33
հազար ռ., Թիֆլիսում և Բագում
վարակիչ հիւանդութիւնների լաբարա-
տորիաներ հիմնելու համար: Թիֆլի-
սում հիմնելիք լաբարատորիան ծա-
ռայելու է արևմտեան Անդրկովկասի
տարափոխիկ հիւանդութիւնների դէմ
կուելու գործում, իսկ Բագում հիմ-
նելիք լաբարատորիան՝ Անդրկովկա-
սին:

— Շամախու ծխական ժողովը, ԼԵ-
սելով իր ներկայացուցիչների զեկու-
ցումը թեմական պատմաւորական ժո-
ղովի մասին, ընտրել է Մ. Ք. Ղապար-
եանին, բժ. Լ. Աթաբէկեանին և Գ.
Զուբարին ու լիազօրել է նրանց գնալ
էջմիածին, բողոքելու ժողովի որոշման
դէմ:

ԳԱՒԱՌԱՅԱՆ ԿԵԱՆՔ

Տեղեկութիւններ Ղափանից

Դպրոցական տարին անցաւ խաղաղ, առանց կրթական գործը խանգարող երևոյթիւների և բաւականին արդիւնաւէտ, շնորհիւ թեմ. տեսուչ պ. Յովհ. Գեորգիւնի անհատական անգնութեան, որը այս դպրոցական սեզօնում երեք անգամ այցելեց մեր դպրոցները:

Այս տարի արտասովոր եղանակներն են լինում: Ամբողջ երեք ամիս մարտ, ապրիլ և մայիս անձրևային անցան: Յունիսի սկզբներում մի քանի օր գեղեցիկ եղանակներ տեսանք: Սակայն անա երկրորդ շաբաթն է ինչ, որ ամեն օր միշտ կէս օրից յետոյ անընդհատ երբեմն յորդառատ, երբեմն բարակ անձրևներ են տեղում, որի շնորհիւ արտերը մեծ չափերով փնտաւ են: Յորդառատ արձրևները քանդել են դիք արտերը, իսկ մեղմ անձրևներից կանաչները պսակել, կպել են հողին և փթել: Անձրևային եղանակների շնորհիւ ոչ միայն հունձը չի սկսւած, այլ և խոտերը չի հնձւած: Այս հանգամանքը կարող է դառնալ տարին անասունների կերի և հացի թանգութիւն առաջ բերել: Գիւղերը դատարկւած են աշխատող ձեռքերից: Թէ ով պէտք է կատարի աշխատող ձեռքերից դուրս ընտանիքների դաշտային աշխատանքները՝ չենք հասկանում:

Շրջանումս մարդկային կեանքը անսպասով է դարձած: Երթևեկութիւնը խմբերով է կատարւում: Մենակ մարդու դէս ու դէն երթալը անհնար է դառել: Աւաղակները տարել են Ծաւ գիւղից 4 ջորի, Հանդ գիւղից 1 ջորի, իսկ Շիվանիս գիւղից մի երիտասարդ անյետ կորել է, որի դիակը մինչ օրս չի ձգւում: Լուր կայ, որ սահմանի միւս կողմից պարսիկ չեռնիկները անցնում են Արաքսի մօտիկ թրքաբնակ գիւղերին փնտում: Ոստիկանութիւնը խիստ միջոցներ է ձեռք առած շրջանումս երևացող չեռնիկներին արժանի կերպով պատժելու:

Որտեղ թանգութիւն է տիրում մեղանում: Պատերազմը պատրակ բռնելով մեր շարժիները իրենց հօր գինը դրել են ապրանքների վրայ: Հասարակ չթի արշինը ծախում են 30—35 կ., շաքարը՝ 35—40 կ., նաւթը՝ 15 կ., լուցկին՝ հատը 5 կոպ. Զարմանալու ոչինչ չկայ: Այստեղ խաւար գիւղ է, ով է հարցնողը թէ խանութպանը անիրաւութիւն է անում: Այստեղ առանց խզի խայթօց զգալու, ում թուրը սուր է, կտրում է:

Ամսոյս 7-ին մի խնջոյքում յօգուտ կամաւորների հաւաքեց սեղանակիցներից 16 ռ. և առաքեց ըստ պատկանելոյն:

Արծիկ

ՄԵՐ ԹՂԹԱԿԻՑՆԵՐԸ

ԱՄՍՐԱՍՈՒ ՁՈՐԻ ԲԵՐՔԸ

Ամառս, 28-ին յունիսի

Այս տարի, ինչպէս երևում է, շրջանը շատ առատ հունձ էր ունենալու, բայց անձրևները ամեն ինչ փչացրին: Ոտի բերքը սպասածից աւելի էր, ժամանակին էլ հնձեց, բայց փչացաւ հնձելուց յետոյ. սեպտեմբերից զօթմաններում:

Գարու հունձը արդէն վերջացել է իսկ ցորենը նոր է սկսւում: Ընդհանրապէս լաւ բերք են տւել այն արտերը, որոնք արեւիկով և թուրքերում են եղել. իսկ պարստ, սեհող արտերը, կամ ձորերում, քամիներին չենթարկւող արտերը խոնավութիւնից շատ են և շատ չնչին բերք կը տան, եթէ

այսուհետ, գոնէ, լաւ եղանակներ լինին:

Հնձած գարիները փնտաւ են անձրևներից. բերքը բաւարար է եղել: Ամբողջ շրջանի թթի այգիները վերանաւել են «շախկա» հիւանդութիւնից: Ոչ ոք չէ մտածում օդի քաշել. Ամառասի մօտ մի գործարան միայն մտածում է՝ եղած թութը հաւաքել, մի բան քաշել:

Դժբախտաբար փնտաւ են նաեւ խաղողի այգիները. հազիւ ուտելու խաղող լինի:

Թալեարս

ԹԵՏՐՈՆ ԵՒ ԴԵՂԱՐԵՍ

«Բաղաբացիական մայ»

Ջիւղի օմեքտի այդ դրամը, իւր հասարակական և գեղարուեստական արժէքով վաղուց հնացած, բայց և այնպէս այժմ էլ գրաւում է արտիստների ու շարժութիւնը: Պատճառը Կորրադօի գերն է, որ իւր ուժեղ ու նուրբ հոգեկան վերապրումներով միշտ հանդիսացել է յաջողութիւնների և տապալումների փորձաքար արտիստական աշխարհում:

Պ. Փափաղեանը Կորրադօի գերում ներկայացրեց խաղի գեղարուեստական կատարման միօրինակ: Մի քանի դէպքերում, առանձնապէս Բողախայի հետ ունեցած տեսարանում, թուում է, որ նա երբեմն կորցնում է գեղարուեստական տաքը, վերջին գործողութեան մէջ երևան հանեց վիճելի մօմենտներ կատարման գործում, բայց և այնպէս հէնց նոյն գործողութիւններում նա միաժամանակ երևան հանեց խաղի գործող փայլ: Երևում է, որ նա չկորս անցած դերասան է:

Օվի Անարոնեան Մօն Սինօրի և Թաշեան բժիշկ Պալմիլի դերերում վատ չէին: Բայց ցանկալի է տեսնել աւելի մտածւած, հարթ ու ազատ խաղ. տիպերի աւելի լուրջ ուսումնասիրութիւն: Նոյնը կարելի է ասել և տ. Մամիկոնեանի մասին Բողախայի դերում: Արուս-Ոսկանեան չնայած, որ ըմբռնել էր իւր դերը և խաղում էր մտածւած, այնուամենայնիւ Աղդայի դերը, թուում է, այնքան էլ յարմար չէ նրա համար:

Գեղարուեստական դաստիարակութիւնից դուրս մեր հասարակութիւնը, ցանկալի է, որ իւր ներկայութեամբ խրախուսէ գեղաստանական խումբն և իւր անկարգ վարք ու բարքով, կօրի-գօրներում և ներս ու դուրս անելով, չխանգարէ խաղը և հանգիստականների հանգիստը:

Թ. Տ. — Բ.

Պ Ե Տ Ե Ր Ե Ջ Մ

ՀԵՌԵՐԻՆԵՐ

(Պետր. հեռ. գործ.)

ԳԵՐԵՆՆԵՐԸ ԶՈՐԸՎԵՐՄԵՆԵՐԻ ԲԵՆԵԿԻՑ

Օսովեց բերդից յունիսի 27-ի գիշերը մեր բերդապան գործը դէպի դուրս գրոհ տալով, քարուքանդ արաւ թշնամու ակնային (сани) աշխատանքները: Եւզաբնօյի շրջանում մենք ձեռք ձգեցինք և պայթեցրինք թշնամու ստորերկրային ակնային անցքերը: Իւզէ-Ֆով—Բրիխավա ճակատում կռիւները շարունակւում են: Թշնամին յունիսի 27-ին շարունակւում էր

պահել 18 բարձրութիւնը և Կօվէրսկ դաստակերտը և եռանդուն հակայարձակումներ էր անում Բրիխաւի միջին ու մատնանշած դաստակերտի միջև: Սակայն այս յարձակումը յետ մղեց թշնամու համար շօշափելի կորուստներով: Բրիխավից հարաւ մենք վերցրինք մինչև 900 գերի, 14 սպայի և երեք գնդացիի հետ: Մնացեալ ճակատներում աչքի ընկնող ընդհանրութիւններ չեն եղել:

Կովկասեան զօրաբանակի շտաբից

Ծովամերձ շրջանում և Օլթիի ուղղութեան վրայ երբեմնակի հրացանաձգութիւն է:

Կարադերենտի ըայօնում, Կարադերենտ—Ջանդէկ ճակատում, մեր զօրամասերը դէմ են կենում ուժեղ օգնութիւն ստացած թիւրք զօրքի գրոհին:

Մնացեալ ճակատում փոփոխութիւն չկայ:

ՎԵՐՋԻՆ ՏԵՂԵԿՈՒԹԻՒՆՆԵՐ

Սօֆիայի վրայով ուղեւորել են Շեչնյարիա նախկին մինիստր Նէշմեդին—Էֆենտի և երիտ արդ թիւրք կուսակցութեան անդամներից մէկը՝ Ֆասսունը, որոնք լիազօրւած են հաշտութեան մատին բանակցութիւններ վարելու:

Ե. Բ. հաղորդում է, որ շուտով կը ստորագրուի Բողախայի և Թիւրքիայի միջև դաշնագրութիւնը, որով Բողախային կը վերադարձնէ Աղդիսնապօլիսը:

Բ. Բ. հաղորդում են, որ Պօլսում քարածուխի բացակայութեան պատճառով դադարեցրել են աշխատանքները զինուորական գործարաններում, որոնք վերջերս կառուցւել էին գերմանացիների ձեռքով:

Իտալացիների առաջխաղացումը Իզօնցօյի հովտով յաջող զարգանում է: Աւստրիական բանակի աջ թիւը յետ է շարժւած շատ հեռու:

Բողախայի և Գերմանիայի միջև բանակցութիւններ են տեղի ունենում 250 միլիօն ֆրանկի փոխառութիւն իրագործելու նպատակով: Այդ գումարը Բողախայի ստացաւ ձմեռը Գերմանիայից իւր այն ծառայութիւնների համար, որ նա մատուցեց Գերմանիային, թոյլ տալով գաղտնի իւր երկրի միջով ռազմամթերք փոխադրելու դէպի Թիւրքիա:

Ե. Բ. հաղորդում են, որ Աւստրիան առաջարկել է Բուխինային հողային հատուցումներ չեզօքութիւն պահպանելու համար. բայց այդ հողերի մէջ չի մտնում Տրանսիլանիան:

ՆԱՄԱԿ ԽՄԲԱԳՐՈՒԹԵԱՆ

Սօս գիւղ. 20 յունիսի

Թոյլ տւէք խնդրում ենք, Ձեր յարգելի «Փայլակ» թերթի միջոցով յայտնել հետեւեալը:*)

Այս անցած 1914/15 ուս. տարւայ սկզբին չգիտեմք ում կողմից հրաւիրւած լինելով, մեր գիւղն է գալիս որպէս վարժուհի օր. Վիկտօրիա Դաւթեանը, որ 15 օր մնաց գիւղում և էլ ի ետ գնաց Շուշի, որովհետեւ գիւղը երկխայ չաւաւ կարգացնելու: Հոգաբարձութիւնը, որի անդամներից մինն էլ ես, տողերիս գրողն եմ, հրաժարւած էր մի քանի պատճառներով. ուստի նոր նշանակւած Սուրէն արեղան հասարակութեան հետ բերանացի պայմանաւորւում է և ինձ հրաւիրում ուսուցիչ ծխ. գաղտնի 150 մանէթ ռոճկով: Հայ սուրբը վախենում է որ ռոճիկս դժուար դուրս գայ, փորձում է ցորեն գորի հաւաքի ռոճիկս մի մասի փոխարէն, բայց դա չէ յաջողւում. ժողովուրդը առաջարկում է որ ամեն ինչ երկխայեցի տայ, իսկ եթէ այդ էլ չյաջողւի, հայր արեղան ինքը խոստանում է բարեհոգի մարդկանցից կամ թեմական ղապցից մի հարիւր մանէթ ինդրի տայ: Այդպէս էլ հաւատացած ես շարունակում եմ իմ պաշտօնավարութիւնը:

Թոշակադրածից գոյանում է 66 մանէթ, 24 մանէթ էլ մեր գիւղումը ոչխար արածացնող չօք բաշիին են առնում ինձ տալիս հաշիւ ռոճիկի, թէեւ ասում էլ են՝ որ այս վերջին գումարը ամբողջ գիւղի զինուորների համար գրած նամակների համար վարձատրութիւն են տալիս. բայց ես թէեւ էլ գումարն էլ եմ ռոճիկս հաշիւն ընդունում, էլի փնտում է գիւղը ինձ պարտք 60 մ. Հիմի Սուրէն արեղան այստեղ չէ, պ. Առաքելեանին մի քանի անգամ դիմել եմ, նա էլ ասել է թէ՛ ես էլ չեմ տեսուչ. այժմ չգիտեմ ով պէտք է վճարէ 60 մանէթը:

Այս մասին ես տարեկան տեղեկագրումը գրել ուղարկել իմ հայր Զաւէնին և սպասում եմ նւա կարգադրութեանը: Հայր Զաւէնը կանէ կարգադրութիւնը, չգիտեմ. [բայց ես ինչով եմ մեղաւոր. չէ որ այս չնչին ռոճիկով ծառայել եմ, որ մեր գիւղի ուսումնարանը չփակւի:]

Սօսի ծխ. գաղտնի նախկին հոգաբարձու և ուսուցիչ՝ Գարեգին Տէր-Մարտիրոս:

*) Տպում ենք անփոփոխ: Ծան. խմբ.

ՓՈՍՏԱՐԿՂ

ԲԱՅՈՒ.—Արեւի խմբագրութեան. Ձեզ նախակ գրեցինք. «Փայլակ» կուղարկւի:

ԲԱՅՈՒ.—Դան-Սաբին. Ինչ որ մինչև այսօր չենք տպագրել, այսուհետ ևս չի տպագրուի: Ուսանաւորները անյաջող էին:

Խմբ.-հր. Լ. Վարդապետեան

Печатать дозволено военной цензурой

Վաճառւած է ԵՐԿՈՒ միլիօն բանկայից աւելի

ԵՐԿՈՒ ՍԱՄԱՐԻՈՒԹԻՒՆ ԵՒ ԳԵՂԵՑԿՈՒԹԻՒՆ

ԵՒ ՏԱԼԻՍ ԱՄԵՆ ՏԵՍԱԿ

ԿԵՆՆՅԻ ԵՐԵՈՆԵՐԻՆ

ԿՐԻՄ ԿԵՂԻՄԻ

ՄԵՏԵՓՈՐՄՈՋԸ

Արմատապէս նոսացնում է բժիկները

բշտիկները, մուսները, կնճիռները, այրածքները և դէմքի

այլ դէֆեկտները

